

四庫全書

子部

欽定四庫全書

子部

六藝之一錄卷三十五
六

詳校官中書臣陸湘

負外郎_臣牛稔文覆勘

總校官檢討臣何思鈞

校對官中書_臣陸湘

謄錄監生_臣范墉

欽定四庫全書

六藝之一錄卷三十五

錢唐倪濤撰

石刻文字十一

漢蒼頡廟碑

右漢蒼頡廟碑文字殘闕其畧可辨者有云蒼頡天生德於大聖四目靈光為百王作憲而其銘曰穆穆聖蒼知為蒼頡碑也考其歲月蓋熹平六年立

金石錄

光和二年又三年未詳

金石錄

蒼頡廟碑人名

右漢蒼頡廟人名歐陽公集古錄云此碑有蓮勺左鄉有秩池陽左鄉有秩池陽集水有秩皆不知是何名號又有夏陽候長祿祠候長則是縣吏之名其隸字不甚精又無事實可考姑疑其名號以俟知者爾按前漢書張敞以鄉有秩補太守卒吏後漢書百官志鄉置有秩三老游徼本注曰有秩郡所置秩百石掌一鄉人注引漢官儀曰鄉戶五千則置有秩風俗通

曰秩則田間大夫言其官裁有秩耳然則有秩蓋亦

鄉吏名也

金石錄

延熹五年未詳

金石錄

平陽堯廟碑

汾水南逕平陽縣故城水側有堯廟前有碑魏土地
記曰平陽城東十里汾水東原上有小臺臺上有堯

神屋石碑

水經注

濟陰太守孟郁脩堯廟碑

其古錄作堯
祠祈雨碑

漢永康元年缺月缺

惟昔帝堯聖德慶苞弘號赫赫

蕩蕩垂基赤精之胃為漢始別陵氛炎煜上交倉玄魏
魏之盛軋川見徵敬循宗暨長吏奉祠三牲粢饌獻珍
于時俵著煒銘宣颺厥休弓招禎祥萬缺是來鴻名遂
顯傳于千秋

濟陰太守河南醫師孟府君諱郁字敬達治尚書經博
覽衆文天姿瑋度體性溫仁闢極道之要妙游觀六藝
之原撈旋機之政務在濟民歷典六郡威教若神遺訓

垂歌淵懿允純功績煥炳思如浩倉咨招巖而股肱賢
良廣祈多福震震夙興聞堯帝陵在成陽遣戶曹掾史
具中宰祠常以甲子曰與西宮樂生俱詣大聖陳上古
之禮舞先王之樂鞀磬祝圖五音缺之儀莫不

盡循歌列技甄以榮大聖延熹十年仲春二月陽氣侵
陰始暉缺來享祀羣神仰瞻雲漢孟府君奉宣詔書行
縣到成陽將辭帝堯行禮未周則景雲四集翔風膏雨
即時大降嘉澍優沾利茂萬物陰陽和協百姓賴福是

時缺

欣然缺

悅諸產繁殖倉庾充塞孟府君深惟嚮

應效之經典知聖堯精靈與天道神循治缺壁地致墻

湖石闌二坐缺

昭配帝圖象規柅五缺

畫上下相承

無所遺失師互旌密有珽道之巧使府內百石缺城吳

諱升字三君守衛園陵興置屋缺詔書大祠升與縣令

丞恭奉肅敬齊絜炊爨莫不雍雍列種栢樹吏卒養護

南道靈臺東注城域委曲內帀擘然世望圖紀萬缺功

驗永著時令河南河南呂君諱亮字元山宰政宣化慈

惠博霞為藜元來福奉事大聖司司不解垂拱無為如
治具允君也丞河內州王諱美字伯盛左尉潁川潁陽

缺

諱惘字世高皆關綜睢莒通運度洞詢于上下儼然

同謀因孟府君飭沿大壁自率掾史

缺

駐駕便坐南

北

缺

望內相副赫如屋楮蘭然成就孟府君必受大聖

嘉福公侯傅子孫濟陰史士歌術功稱萬世常存成陽

丞民蒙其榮賜

缺

訓發聲呂君諸辟干祿于天令裕衍

尊承承无窮惟序仲氏祖統所出本繼於姬周之遺苗

天生仲山甫翼佐中興宣平功遂受封於齊周道衰微
失爵亡邦後嗣乖散各相土譯居帝堯萌也生長塋陵
在於成陽聖化常存慕魏魏之盛樂風信之美遂安履
基業屬都鄉高相里曰氏仲焉以傳于今子孫承緒履
仁好義耽樂道術教授經業雅徒帶衆滋滋汲汲誨人
不倦海內稱之曰鴻術之宗天監孔明作善應缺印綿
相承銀艾不絕臬性乾元世世廉約故能高如不危滿
如不溢孟府君繕飭墜禱立百石舍仲氏宗家共作大

壁前石礪階陁欄楸貧富相扶會計欣懽不謀同辭錢
應時即具招互募石燁然俱至各進琦巧不日成之詔
書九月三往大祠諸所造作煥然成艷仲氏宗家並受
福賜復刊碑勒誅昭示來世俵著孟府君美勛於陽昧
紀祖壘所出闕四字官宦學皆不可測子子孫孫必蒙
大聖休烈之福以勸後進昌熾無極

右濟陰太守孟郁修堯廟碑漢威宗永康元年立記
是歲春陽為沴孟府君行縣謁廟即獲膏雨以聖堯

靈輿天通遂繕治大殿成陽令呂亮丞王萇率掾史
佐之仲氏宗家共作殿前石礪階陛欄楯九月之間
詔書三祠作文者既褒揚守令丞尉治效繼叙仲氏
得姓業儒之美也杜欽傳云仲山父異姓之臣無親
於宣就封於齊鄧展晉灼云山甫銜命往治齊城韓
詩誤以為封而欽引之顏師古云韓詩既有明文未
得專非杜氏此碑云山甫就封於齊周衰失爵後嗣
遂居成陽蓋同韓杜之說碑云地致墻堦石闕二坐

圖象規矩工巧精密以為神物之靈商君傳持矛而操闌戟闌音揄字書揄與榻同此蓋借闌為揄借播瑚為璠瑚言其石之似玉也此碑假借字如旋機為璇機祝圖為祝啟之類甚多

俵為表浩倉為昊蒼柜為規旌為精自為周藜為黎蘭為爛歌術為歌述辟為壁滋滋為孳孳屋楮為渥赭鴻為儒緋為紱燿即輝字楠楯即攔楯字璽即禰字又厂之類多从广

其中乾川與頴川字相類雖家語有乾川猶天淵也然隸書未嘗有坤字此乃軋坤爾其曰無為如治高如不危者用春秋星隕如雨之法它皆類此

洪適隸釋

右漢堯祠祈雨碑首尾殘滅其僅可識者有云股肱賢良廣祈多福虔虔夙夜又云常以甲子日昭太常陳上古之禮舜先王之樂又云延熹十年陽氣侵陰又云享祀羣神仰瞻雲漢又云嘉樹優霑利茂萬物又云孟府君知堯精靈與天道神修治大殿以此知

為祈雨於堯祠也堯祠在漢為濟陰郡府君者當是
濟陰郡太守也其餘隸字完者頗多亦往往成句但

斷續不可次序爾

集古錄

右孟府君堯祠祈雨碑隸書不著書撰人名氏碑以

延熹中立在曹州濟陰

集古錄目

延熹十年有碑陰

金石略

帝堯碑

帝堯者蓋皆世之聖王也其先出自塊隗冀火之精有

神龍首出於常羊

缺

生赤

缺

也名紀見乎河雒爰嗣八九慶都與

赤龍交而生伊堯及堯之生也

缺凡等函缺

龍顏

缺

角眉

缺

八葉讓自侯伯遊於玄河之上

龍龜負銜投鈴授與然後堯乃受命蜀鹿

缺

秉圖書察度表御九州統

屬理聞名應却五緯順畧然後風化大洽普天

缺

不

缺

功成告讓遂禪舜黃聖漢

龍興纘堯之緒祠以上犧暨于亡新祀漢之業禮祠缺

祀缺是故廷尉卿缺

以爲大聖親垂隆烈

遺歌在民而壇場夷替屏燭無位非所以表神聖缺

民者缺

焉缺

復舊典造立虛廟以

一大宰春秋秩祠是所以好道之疇自遠方集或弦瑟缺

一或譚缺

歷丹田缺

疴者竭恭祈福即獲

祚若不更愒輒赴真故知至德之宅也實真聖之祖也
熹平四年冬十二月濟陰太守河南張寵丞潁川李政

成陽令陳國鄭真故鉅原太守仲訢故廣宗長仲選故

呂長仲球

缺 承 缺

百石已氏

讓禮等咸各有惟迨慕聖烈乃共立壇墀刊碑紀石已

章聖德

缺 後 缺

有

下 闕

於赫大聖奕孔禎純性發蘭石生自韻芬琦表射出雙

握嘉文排啓闔闔馳步

缺

順叙五品用訓民不作感化洽百蠻歷運遭七乃禪愛

焉功帟日月名勒管弦立靈廟宇

缺

休神

缺

釐于湘黔民億不殍于社無沂故濟陰太守

劉邵字季承漁陽泉州人也自以體別枝希堯之裔曾

下車出奉缺萬為祠馱弱缺

至於邗旦

特復五百稱玄玄孫以叙嘉敬舊祠屬縣君以為奉事

神聖禮虔當缺宜崇祖濯以汁缺

勅縣缺

設供

曹掾史令養牲犧即堯陵廟神亨靈洞款已嘉瑞李樹

連理生於堯缺

圖缺

府殿夙早缺

拜連缺

中大夫後太

守河南張寵盛擬前緒到官始初出錢二千敬跋禮祠

臨立壇碑特復

缺

羣缺

為缺

始缺

學徒莫不勸樂咸曰張父敦我已德厲我已仁將獲

禎應齊風前人驚皇

缺

解將恚臻矣密勿匪休將恚至矣熹平四

年十二月十日癸卯立時將作吏胡能守堯掾仇伯爰

缺

掾成缺

余

右帝堯碑篆額靈帝熹平四年立帝王世紀曰炎帝

一曰魁隗氏此云塊隗者猶邑犧之為伏羲也春秋

緯曰慶都出觀三河有赤龍負圖下有人衣赤面八
采充上豐下足履翼星奄然風雨龍與慶都合而有
娠既乳視堯如圖表茲所謂翼火之精也炎帝傳八
世故曰爰嗣八九堯在位七十載故曰歷運遭七蔡
邕集有王子喬碑凡六十字與此同其間云或弦琴
以歌太一或譚思以歷丹田具有集疴疔瘵者靜躬
祈福即獲其祚正此碑之闕文也漢刻載脩廟及表
墓人所費有出錢百者張寵到郡以二千祠堯此遂

夸而書之可見漢代錢重如此今物價翔踊錢日益少非有術以權之使子母重輕略能做古則不足之患未易抹也

諫釋

碑以菜為采懾為攝弈為亦汁為叶闔為閭沂為垠各即布字隄即繼字

全上

右漢堯祠碑在濟陰碑云帝堯者蓋昔世之聖王也又曰聖漢龍興纂堯之緒祠以上儀至於王莽絕漢之業而壇場夷替屏攝

真蹟作攝

無位大抵文字磨滅字

雖可見而不復成文其後有云李樹連理生於堯祠
太守河南張寵到官始初出錢二千敬致禮祠其餘
不能讀也碑後有年月蓋熹平四年建也治平元年

五月晦日書

集古錄

右隸書不著書撰人名氏文字漫滅者多其略曰漢
纂堯之緒祠以上犧王莽僭漢壇場夷替又曰舊典
造立靈廟以一太宰春秋秩祠陳國鄭

下一字

故太守

仲又廣宗長仲選共立壇墠刊碑紀德李木連理生

於堯祠太守河南張寵繼擬前緒以錢二千敬致禮
祠臨立壇碑時熹平四年也碑在濟陰

歐陽非集
古錄目

右帝堯碑云帝堯者昔世之聖王也其先出自媯隗
翼火之精有神龍首出於常羊又云名紀見乎河雒
爰嗣八九慶都與赤龍交而生伊堯又云侯伯遊於
玄河之上龍龜負銜投鈴受與然後堯乃受命其說
出於讖緯可謂怪妄不經堯之所以為聖者豈假此

而已哉

金石錄

熹平四年有碑陰

金石略

堯陵碑

地理志曰成陽有堯冢靈臺今成陽城西二里有堯陵陵南一里有堯母慶都陵於城為西南稱曰靈都鄉曰崇仁邑號脩義皆立廟四周列水潭而不流水澤通泉泉不耗竭至豐魚笱不敢採捕前並列數碑栝柏數株檀馬成林二陵南北列馳道逕通皆以磚砌之尚修整堯陵東城西五十餘步有中山夫人祠

堯妃也石壁堦墀仍舊南西北三面長檉聯映扶疎

里餘

水經注

成陽靈臺碑

六一題跋作
後漢堯母碑

惟帝堯母昔者農都心舍穹精氏姓曰伊禮蘭石之操
履規矩之度則軋川之象通三光之曜游觀河濱感赤
龍交始生堯厥後堯來祖通慶都告以河龍堯歷三河
有龍授圖躬行聖政以育苗萌火陽之盛先閭後明遂
以侯伯述踐帝宮慶都僊歿蓋堊亏茲欲人莫知名曰

園臺上立黃屋堯所奉祠下營以水神龍所熹園龜隱
刑汾踊波汴比目鮪魚濯鱗通泉空礫菟蠶生送臺涯
貫長歷久崇如缺 三代改易荒廢不循五運精選漢

受濡期興威繼絕如堯為之承祠基丰鮪魚復生故有
園園畜夫魚肺衛仕驛憲鮪魚服之延壽 缺 之際道

小衰沮遂遭亡新禋祠絕矣於是故迂尉仲定深惟大
漢隆盛德被四表大平未至園瑞未下四夷數侵軍甲
數擾匪皇啓居日覆不夏案經考典河洛祕奠漢感赤

龍堯之苗胄當循堯祠追遠復舊復沿

治字

黃屋推原聖

意灾生變見天以謫告前後奏上陳叙大義招祥塞谷

為漢來祚朝廷克省帝納其謀歲以春秋奉大牢祠時

廷尉選位連自表奏詔英嘉命遂見聽

缺

為大中人

夫歸沼黃壑令月吉日圖立規箇興業會工廠處夷平

上合天意下應

缺

飭五色革精上闕通天戶

嚮少陽前設大壑俟神之堂地跋石墀其下清涼可舞

儿缺

缺

大章時濟陰太守魏郡雷晃成陽令博陵管

遵各遣大掾輔助仲君經之營之不日成之神廬精潔
依怙於人廢之則亡在之則神復帥羣宗貧富相均共
慕市碑著立功訓 缺勒石銘中門之表卜擇元日齋革
精誠先慶毛血謹慎犧牲祈祠獲福神享其廬甘雨時
降百穀孰成幽荒率服涂方來庭萬國蒙祉肇元賴榮
莫不被德咸歌頌聲其辭曰

於赫慶都德壘大方承神精耀統赤奮兮爰生聖堯名
蓋世兮上受荷命返帝制兮廣彼之恩溥荒外兮歷紀

盈

盈字

千垂遺愛兮陵廟復崇享大祭兮上來多怙降福

沛兮萬國禧寧孰不賴兮光宣美勛亦缺幣兮垂視罔

極億萬歲兮

濟陰太守魏郡陰安留君諱晃字元讓從公車令來成
陽令博陵蠡吾管君諱遵字君臺從東明門司馬來丞
穎川新汲尹茂字伯舉遷下邳尉尉穎川襄城楊調字
君舉仲訢伯海從右中郎將遷鉅鹿太守仲球伯儀從
大尉掾遷呂長仲選孟高辟司徒府遷從不絕皆興沿

大聖黃屋之力

建寧五年五月造

右成陽靈臺碑篆額靈帝建寧五年立與堯廟二碑
在成陽皆有陰堯葬慶都于成陽名曰靈臺上立黃
屋為奉祠之所漢綴其祀至亡新而繼於是廷尉仲
定奏請興治郡守審晃縣令管遵各遣大掾助成之
案兩漢地志濟陰成陽有堯冢靈臺不明言靈臺為
堯冢也章帝紀元和二年使使者祠唐堯於成陽

靈臺注引郭緣生述征記曰成陽有堯陵陵南一里有堯母慶都陵稱曰靈臺据此則與碑合靈臺非堯冢明矣淮南子墜形訓載海外三十六國西北方有無繼民碓魚在其南注云碓魚如鯉魚有神靈者乘行九野碓讀如蚪字書砒或作鮮碓無鮓字也所謂鮓魚疑即此爾碑稱漢代脩祠之後鮓魚復生故有靈臺嗇夫魚師衛仕驛獻鮓魚服之延壽疑仕當讀為士憲當讀為獻也

釋

碑以不夏為不暇刑為形威為滅基為暮黎為黎

德彼廣彼為被逖即恢字逖即延字費即薦字

上全

右漢堯母碑漢建寧五年造其文略曰堯母慶都感

赤龍而生堯遂以侯伯恢踐帝

下有闕

慶都仙沒蓋葬

於茲欲人莫知名曰靈臺上立黃屋堯所奉祠三代

改易荒廢不修漢受濡期興滅繼絕如堯為之遂遭

亡新禮祠絕矣故廷尉

姓名唐滅不可讀矣

深惟大漢堯之苗

裔當修堯祠追遠復舊前後奏上帝納其謀歲以春

秋奉大牢祠時濟陰太守魏郡審晃成陽令博陵管
遵各遣大掾輔助

闕一字

君經之營之不日成之此其

大槩也按皇覽云堯塚在濟陰成陽呂氏春秋云堯
葬穀林皇甫謐曰穀林即成陽然自史記地志及水
經諸書無堯母葬處惟見於此碑蓋亦葬成陽也而
諸書俗本多為成陽獨此碑為成陽當以碑為正碑
後列當時人名氏又云審晃字元讓管遵字君臺又
云漢受濡期莫曉其義也

六一
題跋

右隸書不著書撰人名氏堯母慶都葬於成陽立黃

屋其上謂之靈臺歷代常奉祠之至王莽而絕後漢

故廷尉

碑跋
姓名

請於朝後立其廟及濟陰太守審晃脩

營之以建寧五年此碑在曹州濟陰

林占
錄目

右成陽靈臺碑成陽屬今雷澤碑略云堯母慶都僂

歿蓋葬于茲欲人不知名曰靈臺歐陽集古錄以謂

自史記地志及水經諸書皆無堯母葬處余按班固

西漢劉昭東漢書地理志皆曰成陽有堯冢靈臺而

東漢志章帝元和二年東巡狩將至泰山道使使者
奉一太牢祠帝堯於濟陰成陽靈臺與章帝紀所載
正同帝紀章懷太子注引郭緣生述征記云成陽縣
東南有堯母慶都墓上有祠廟堯母陵俗亦名靈臺
文母水經注今成陽城西二里有堯陵陵南一里有
堯母慶都陵於城為西南稱曰靈臺蓋兩漢史所載
似以靈臺為堯冢惟此碑與述征記水經迺直指為
堯母冢爾然水經云在成陽西南而述征云在東南

未知孰是又集古錄云諸書俗本多作城陽獨此碑
為成陽當以碑為正余嘗考之成陽縣名屬濟陰郡
城陽乃王國名漢文帝二年以封齊悼惠王子章者
漢志所載各異未嘗差誤也碑有廷尉某歐陽公以
為姓名摩滅不可讀今驗其缺處姓下隱隱有定字
知其名定而其後云濟陰太守審晃成陽令管遵各
遣大掾輔助仲君知其姓仲氏世為成陽人定有
墓在雷澤碑尚存其額題漢故廷尉仲君碑有云表

祠唐堯為漢祈福又云為廷尉卿託病乞歸脩堯靈臺黃屋三十餘上聽拜太中大夫云 余為淄州同

官李堯雷澤人云冢正在城西南蓋述征記誤也

趙明

誠金
石錄

集古錄靈臺碑以為史記地志水經諸書皆無堯母
葬處予按漢章帝紀注引述征記云成陽縣東南有
堯母慶都墓上有廟祠又按水經注今成陽城西二
里有堯陵陵南一里有堯母慶都陵於城為西南稱

曰靈臺而此碑云堯母葬于茲欲人不知名曰靈臺
以二事證之堯與堯母葬處明白若此集古又云俗
本多作城陽獨此碑為成陽當以碑為正予考成陽
與城陽自別成陽縣屬濟陰城陽乃漢齊悼惠王之
子章所封之國名帝堯碑云慶都與赤龍交生伊堯
其事神異不可測集古又云廷尉某姓名磨滅予按
漢廷尉仲定碑云遷廷尉卿託病乞歸修堯靈臺黃
屋三十餘而靈臺碑中有云濟陰太守成陽令各遣

大掾輔助仲君故知仲定無疑

黃伯思東觀餘論

堯母冢在濮州雷澤縣有碑余得而攷之盖建寧五年廷尉臣仲定所建濟陰守審晃成陽令管遵遣掾輔助以成其說感赤龍而生堯則本春秋合成圖謂慶都生于斗維之野常在三河東南天大雷電則血流潤大石之中生慶都為黃雲覆蓋茂食不飢許慎嘗為之論曰堯親慶都盖天帝之女寄伊長孺家年二十九無夫出觀於河有赤龍負圖而至曰赤龍受

天之圖有人赤衣光面八采鬢頰長赤命帝起城元寶
及生堯視如圖故眉有八采之色以帝王世紀考之
堯為帝嚳子則豈為無父漢人尚讖緯其論每若此
彼以漢高祖為雷電感大澤中以生則追述堯事相
配且為堯之後雖帝王之興必有禎祥不應怪誕至
此劉焯嘗謂左氏稱在夏謂陶唐氏其處為劉氏非
魯史本文迺漢儒欲其傳特為此語以漢出堯後獨
堯以左氏有明文以此求重於世孔穎達特信其說

觀此碑所錄與許慎立論則焯之說有所推考之矣
昔皇甫謐以穀城為城陽而碑作成陽集古錄以碑
為正余按成陽本成伯國地記謂在濮州雷澤述征
記曰成陽東南有堯祠則城陽惟謐為誤他書皆得
證之延光四年書祠唐堯于成陽古未嘗亂也

董道
廣川

昌
跋

靈臺碑陰

司徒掾仲選益高出錢二千鉅鹿太守仲訢伯海出錢

萬呂長仲球伯儀出錢三萬七千五官掾仲著料益出
錢二千從事仲謨升高出錢二千督郵仲熊伯敬出錢
二千督郵仲鄴伯遠出錢二千主吏仲浮料輔出錢二
千主吏仲均季遠出錢二千主吏仲缺伯豪出錢二千
主吏仲眈伯通出錢二千主吏仲遐季甫出錢二千主
吏仲曇仲賀出錢二千主吏仲益升高出錢二千主吏
仲福料惠出錢二千主吏仲煥子臺出錢二千主吏仲
壽宣德出錢二千主吏仲率仲進出錢二千主吏仲璜

景鸞出錢二千督郵仲仰子周出錢二千主吏仲調子
塞出錢二千主吏仲容生出錢二千主吏仲阿東出錢
二千主吏仲阿先出錢二千主吏仲子林出錢二千主
吏仲阿缺出錢二千督郵外滌閭丘柳景信出錢四千
義民陳彥出錢二千

右仲氏門宗前所會計沿黃出錢名

司徒掾仲選孟高出錢千四百鉅鹿太守仲訢伯海錢
千四百呂長仲球伯儀出錢三千二百從事仲謨升高

出錢千四百督却仲熊伯敬出錢千四百督却仲蓋升
臺出錢千四百主吏仲福對忠出錢千四百主吏仲璜
景鸞出錢五百主吏仲調子蹇出錢千四百督却仲仰
子周出錢千四百主吏仲熾客生出錢千四百主吏仲
東阿東出錢千四百主吏仲阿同出錢四百叢民陳彦
弟富富弟贖出錢千

惟仲阿東丰在元冠秀有中質遵拒踴親上仁好義見
羣從無者代出錢萬以立碑大意翻然君子善之恩加

骨缺 鄉朝所稱縣令管君即請署門下議生都市掾官
未可測矣

主吏仲葵字村武出錢五百

右仲氏宗門所會計立作石碑誦出錢名

守皇屋畜夫仲民主

仇福字仲洲累世同居州里稱術慈孝大聖立祠時令

管君欲造皇屋壁廡來索忠良咸白福閭葵溢缺 離

缺 周理字文機缺

嚴萌將佗福更縣掾功曹

府諸曹史守尉

下

右靈臺碑陰治黃屋者二十八人作碑者十五人凡諸仲三十一人異姓者四人其間稱美仲阿東代羣

從出錢數十言其未又載工師仇福事亦數十言

詳

碑以皇屋為黃屋遵矩踰規為遵矩蹈規碑誦為

碑頌稱術為稱述

上全

冷道縣舜廟碑

營水出營陽冷道縣南流山西流逕九疑山下蟠基

蒼梧之野峯秀數郡之間羅巖九舉各導一谿岫壑負岨異嶺同勢遊者疑焉故曰九疑山大舜寔其陽商均葬其陰山南有舜廟前有石碑文字缺落不可復識自廟仰山極高直上可百餘里古老相傳言未有登其峯者山之東北冷道縣界又有舜廟縣南有舜碑碑是零陵太守徐儉立

水經注

禹廟碑

右禹廟碑字畫淺細故摩滅尤甚其事跡歲月皆不

可考畧可見者云皮氏長安定蘓而名字亦不可辨

矣

金石錄

禹廟碑陰

右禹廟碑陰自侯長汾陰趙遺子宣而下凡數十人姓名官爵具存又有故督郵曹史縣功曹鄉部吏拍昱等人名寂後有龍門復民廿五戶人名在今龍門禹廟殘碑之陰而集古錄云在閩鄉楊震墓側又云楊氏子孫當時皆葬閩鄉碑碣往往摩滅此不知為

誰碑者蓋誤也

金石錄

右漢碑陰題名在閭鄉楊震墓側文字磨滅不復可考其僅可見者曰侯長汾陰趙遺子宣侯上減一字又曰故督郵曹史縣功曹鄉部吏柏昱等人名鄉上又減一字又曰西鄉亭長柏昱子政又曰鄉亭長程國相如鄉上又減一字又曰麟都亭長陰定安定谷口亭長方文雅方上又減一字東門亭長梁忠子孝四望亭長吳鴻子名麟武亭長常嵩君宣其餘缺裂

不完蓋楊氏子孫當時皆葬閩鄉碑碣往往磨滅此不知為誰碑也治平五年五月廿日謝雨致齋於太

社書

集古錄

禹廟碑

右禹廟碑云光和二年十二月丙子朔十九日甲午皮氏長南陽章陵劉尋孝嗣丞定安烏氏樊璋元孫其後叙禹平水土之功而窳後有銘文多殘闕不能盡

識碑在龍門禹廟

金石錄

劉尋禹廟碑光和二年立

金石略

禹廟窆石銘

漢窆石銘永建元年五月

金石錄

禹廟窆石遺字直竇文閣王順伯復齋金石錄定為

漢刻舊經云禹葬於會稽取此石為窆

竇則
叢編

禹陵窆石古篆文不可讀在紹興府會稽山

林洞古
今碑刻

記

周公禮殿記

漢初平五年倉龍甲戌旻天季月循籀築周公禮璧始
自文翁應期鑿度開建畔宮立堂布觀廟門相鉤閱司
懣延公祿相承至壬甲午故府採潼文君增造吏寺二
百餘間四百年之際變異蠶啓旋機離常壬衡共統強
桀并兼人襄僥卒戰兵雷合民散共命烈火飛炎一都
之舍官民寺室同日一朝合爲灰炭獨笛文翁石廟門
之兩觀禮樂崩坦風俗混亂誦讀已絕倚席離散夫禮
興則民壽樂興則國化郡將陳笛高君節符興境迄斯

十十有三載會直擾亂曲憲匡救濟民塗炭閔斯立靈

缺

冠學者表儀

缺

大小推誠興復第館八

音克諧鬼方來觀爲後昌基

缺神不

下

右益州太守高朕脩周公禮殿記今在成都獻帝初

平五年正月朔己改元興平矣此碑書九月事尚用

初平者天下方亂道路擁隔置郵到蜀稽晚也碑云

始自文翁開建畔宮者西都蜀郡守也又云至于甲

午故府梓潼文君增造吏寺者建武中益州太守文

參也又云烈火飛炎一朝灰炭者華陽國志云安帝
永初時講堂火災獨存石室也又云郡將陳留高君
者高朕也諸書多有誤以朕為朕者朕再作石室在
文翁石室之東又東即周公禮殿規模古質井斗異
制柱皆削方上狹下廣此記刻于東南之一柱亦木
爾歐陽氏以為文翁石柱記者誤也自興平甲戌至
于乾道丁亥千有三年殿宇巋然如故由唐顯慶以
來以孔子為先聖今禮殿無周公像矣政和中郡守

席貢有請詔封文翁為廬江伯高朕為陳留伯在從

祀之列云

諫
釋

此碑以旋機為玃璣以掇為擾以蠶啓為蜂起

恐作蔓壬衡即玉衡

上
合

石漢文翁石柱記云漢初平五年倉龍甲戌旻天季

月脩舊築周公禮殿始自文翁開建泮宮據頗有意

益州學館廟堂記云按華陽國志文翁為蜀郡守造

講堂作石室一名玉堂安帝永初間烈火為災堂及

寺舍並皆焚燼惟石室獨存至獻帝興平元年太守
高朕於玉堂東復造一石室為周公禮殿有義又謂
獻帝無初平五年當是興平元年蓋時天下喪亂西
蜀僻遠年號不通故仍稱舊號也今檢范曄漢書本
紀初平五年正月改為興平顏說是也

集古
錄

右周公禮殿記者今成都府學有漢時所建舊屋柱
皆正方上狹下闊此記在柱上刻之靈帝初平五年
立距今蓋十年矣而字畫完好可讀當時石刻在者

往往磨滅此記托于屋楹乃與金石爭壽亦異矣記
有云甲午年故府梓潼文君增造吏舍二百餘間按
華陽國志有文參字子奇梓潼人平帝時用為益州
太守不從王莽公孫述光武嘉之疑此記所載即其
人也蓋光武建武十年歲次甲午云

金石錄

此記在成都學舍頗有意撰昔廬江文翁治蜀初立
學成都作講堂石室開二堂左溫故右時習復作周
公禮殿畫孔子像蓋古者以周公為先聖孔子為先

師故學必祀周公以孔子配之自開元後制度廢棄

惟此存爾可以考也其後遇災太守陳留高朕

隸釋
作朕

修立增二石室更於夷里橋今學石室一為高朕朕
自有功學者故其室至今與文翁俱傳在漢為蜀守
以勸學為本二人之存爾可以不廢也昔人嘗疑朕
非制名可稱於臣下者自秦漢天子所為稱豈復可
存耶流俗謂為高勝至宋璋沈視知為高朕范蜀公
嘗為人道之甚詳余嘗至其處求字畫得之實為朕

字知在漢猶未有嫌不必曲辨朕為勝也蜀書有高
勝為郫縣人昔人疑其為守非也魏文帝時夏侯霸
為右將軍父朕嘗仕於漢可信也

廣川書跋

周公禮殿記蔡邕隸書成都府

金石略

按顏有意乃唐顏昭甫之弟撰益州學館廟堂記者
是唐碑也而通志云蔡邕書豈漢原有是碑碑毀而
顏氏重書之耶抑或廣川因學館廟堂記而并指禮
殿為顏氏所撰耶俱未可定然以其題跋所言皆漢

事故列於漢碑

金石文字記

周公廟碑

周公廟在魯國城東不知何年廢矣其碑尚存漢隸

也

古今書刻

老子廟碑

過水北遷老子廟東廟前有二碑在南門外漢桓帝

遣宦官管霸祠老子命陳相邊韶撰碑

水經注

又有李母冢冢東有碑是永興元年燕令長沙王阜

所立碑云老子生於曲過間許慎又云過水首受淮陽扶溝縣浪蕩渠不得至沛方為過水也過水又屈東逕相縣故城南其城卑小實中邊韶老子碑又云老子楚相縣人也相縣虛荒今屬苦縣故城猶存在賴游鄉之東過水處其陽然即此城也

全上

老子銘

老子姓李字伯陽楚相縣人也春秋之後周相為二稱東西君舊六卿專証與齊楚竝僭號為王以大并小相

縣虛荒今厲苦故城猶在左賴鄉之東過水處其陽其
土地鬱蟠高峻宜生有德君子焉老子為周守臧室史
當幽王時三川實震以夏畝之季陰陽之事鑿喻時王
孔子以周靈王廿五年生到景王十年年十有七學禮於
老聃計其年紀聃時以二百餘歲聃然老旄之貌也孔
子卒後百廿九年或謂周大史儋為老子莫知其所終
其二篇之書稱天地所以能長且久者以不自生也厥
初生民遺體相續其死生之義可知也或有浴神不死

是謂玄牝之言由是世之好道者觸類而長之以老子

離合於混沌之氣與三光為終始觀天作讖

缺降什

斗字

星隨日九變與時消息規橐三光四靈在周存想丹田

大一紫房道成身化蟬蛻渡世自羲農以來缺為聖者

作師班固以老子絕聖棄知禮為亂首與仲尼道違述

漢書古今人表檢以法度抑而下之老子缺與楚子西

同科材不及孫卿孟軻二者之論殊矣所謂道不同不

相為謀也延熹八年八月甲子

皇上尚惠弘道舍閔光大存神養性意在凌雲是以潛
心黃軒同符高宗夢見老子尊而祀之于時陳相邊韶
典國之禮材薄思淺不能測度至人辯是與非案據書
籍以為老子生於周之末世玄虛守靜樂無名守不惠
危高官安下位遺孔子以仁言辟世而隱居變易姓名
唯恐見知夫日以幽明為節月以虧盈自成損益盛衰
之原倚伏禍福之門人道惡盈而好謙蓋老子勞采定
國功采加民所以見隆崇于今為時人所享祀乃昔日

逃祿處微損之又損之之餘胙也顯虛无之清家云先
天地而生乃守真養壽獲五福之所致也敢演而銘之
其辭曰於惟缺惠抱虛守清樂居下位祿執弗營為繩
能直屈之可縈三川之對舒憤散逞陰不填陽執能滯
并見機而作需郊出坳肥遁之吉辟世隱聲見迫遺言
道惠之經譏時微喻尋顯推冥守一不失為天下正處
厚不薄居實舍榮稽式為重金玉是輕絕嗜去欲還歸
於嬰皓然歷載莫知其情頗違法言先民之和要以无

為大缺用成進退無恆錯綜具貞以知為愚沖而不盈
大人之度非凡所訂九等之叙何足累名同光日月合
之缺星出入丹廬上下黃庭背棄流俗舍景匿形苞元
神化呼吸至精世不能原叩具永生天人秩祭以昭厥
靈羨彼延期勒石是旌

右老子銘篆額在亳州苦縣苦屬陳國故其文陳相
邊韶所作碑云延熹八年八月帝夢老子尊而祀之
帝紀此年春冬兩遣中常侍至苦祠老子水經載蒙

城王子喬碑亦云延熹八年八月帝遣使致祠國相
王璋乃銘紀遺烈蓋威宗方脩神僊之事故一時郡
國競作碑表此石立於延熹無疑杜子美云苦縣光
和尚骨立者誤也碑中多用大史公語唯聃然老旄
之說不同韶以老子與子西同科深詆班孟堅之失
至於韓非同傳則又置而不論何也碑云孔子學禮
於老子時年十有七按世家孔子年十七孟釐子病
誠其嗣必師孔子故孟懿子與南宮敬叔往學焉具

次又云敬叔與孔子適周見老子詳史之所記初非
一年中事况孟釐子卒在魯昭公二十四年孔子蓋
年三十有五矣韶不詳究史家之指而誤用之何貴

乎五經筭也

釋

碑以浴神為谷神旒與耄同渡與度同材與纜同

累與累同豸與寂同

上 同

右漢老子銘按桓帝本紀云延熹八年正月遣中常
侍左館之苦縣祠老子十一月又遣中常侍管霸祠

之而此碑云八月夢見老子而祠之世言碑銘蔡邕
作今檢邕集無此文皆不可知也

集古錄

右漢陳相邊韶撰字為隸書不著名氏世以為蔡邕
書據碑延熹八年八月桓帝夢見老子尊而祀之韶

時典其禮因而為銘碑在亳州衛真縣太清宮

集古錄目

右老子銘舊傳蔡邕文并書蓋杜甫李潮小篆八分
歌有云苦縣光和尚骨立書貴瘦硬方通神世云此
碑是也今驗其詞乃邊韶延熹八年作非光和中所

立未知甫所見是此碑否而本朝周越書苑遂以為
韶撰文而邕書初無所據碑言孔子學禮時計其年
紀聃已二百餘歲聃然老旄之貌也而史記言謚曰
聃按古謚法無聃字又碑云孔子以周靈王二十年
生今以年表及世家考之孔子以魯襄公二十二年
生實靈王二十一年未知孰是史書周太史儋事云
孔子死後二百二十九年徐廣注曰實一十九年今此
碑所書正與史合不知徐廣何所據也

金石錄

成王周公畫像

成王周公畫像有標題者六皆偏而不正惟成王周公二榜不漫減其間張幕設案有總角垂拱而中立者成王也冕而跣而東者曰周公則西者當是召公漢碑有龍虎者隨其文而觀之則先龍而後虎蓋以碑之所向為左右也立于二公之後者六人其西三人則無標題皆有所執如弓矢之屬一馬在其後此碑所列諸臣翼如也與武梁朱浮畫像法式皆異雍

丘令及此圖皆洛陽朱敷儒希真所藏者末云齊魯
間漢公卿墓中物亦不詳其主名武帝嘗畫周公負
成王朝諸侯以賜霍光此畫之意良未諭也

隸
續

孔子見老子畫像

孔子見老子畫像人物七車二馬三標榜四惟老子
後一榜漫滅孔子面右贊雁老子面左曳曲竹杖中
間復有一雁一人挽首在雁下一物柱地若扇之狀
石有裂文不能詳辨侍孔子者一人其後雙馬駕車

車上一人馬首外向老子之後一馬駕車車上亦一人車後一人回首向外史記魯昭公予孔子一乘車兩馬一豎子同南宮敬叔適周問禮於老子此畫與

聖與兩驂似是据此

諫
續

六藝之一錄卷三十五